

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ԶԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ**

ք. Երևան

« 22 » « 09 » 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հ. Հակոբյանի, որը գործում է պետական մարմնի կանոնադրության հիման վրա, մի կողմից, և «Հայ դերասանների միություն» հասարակական կազմակերպությունը (այսուհետ՝ Կատարող)՝ ի դեմս կազմակերպության կանոնադրության հիման վրա գործող նախագահ Ա. Ղուկասյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում)՝ որոշման «1168. Արվեստների ծրագիր» ծրագրի «11005. Մշակութային միջոցառումների իրականացում» միջոցառման (տող՝ «Աջակցություն այլ մշակութային միջոցառումների և ծրագրերի իրականացմանը» ծրագիր) (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ**

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում իրականացնել «Հայ Ֆեստ» 21-րդ կատարողական արվեստների միջազգային փառատոնի կազմակերպումը (այսուհետ՝ միջոցառումներ)՝ համաձայն սույն պայմանագրի անբաժանելի մաս կազմող՝

1.1.1. ծրագրի՝ Հավելված N 1,

1.1.2. նախահաշվի՝ Հավելված N 2:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ**

**2.1. Պետական մարմինն իրավունք ունի՝**

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

## **2.2. Կազմակերպությունն իրավունք ունի՝**

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

## **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից

ալ 20 աշխատանքային օրվա ընթացքում: Հաշվետվություններում թերություններ  
այտնաբերվելու դեպքում դրանք վերադարձվում են կազմակերպությանը լրամշակման՝  
սահմանելով խելամիտ ժամկետներ: Եթե ներկայացված հաշվետվությունների համաձայն  
իրականացված միջոցառումները համապատասխանում են ծրագրի և սույն պայմանագրի  
պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

**2.4. Կազմակերպությունը պարտավոր է՝**

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ)  
սույն պայմանագրով սահմանված նպատակներով ու չափաքանակներով՝ համաձայն սույն  
պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով  
նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների  
կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի  
կողմից հաստատված մեթոդական ցուցումների, հրահանգների և այլ իրավական ակտերի  
(փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար  
առաջացած խոչընդոտների մասին և միաժամանակ ձեռնարկել իր կողմից հնարավոր բոլոր  
միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը  
վերաբերող փաստաթղթերին ծանոթանալու պետական մարմնի հնարավորությունը՝ վերջինիս  
կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման  
նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին  
ներկայացնել հաշվետվություններ (ֆինանսական և բովանդակային) կատարված ծախսերի և  
իրականացված միջոցառումների մասին: Ֆինանսական հաշվետվությունը ներկայացվում է սույն  
պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի  
ծախսերը հիմնավորող հաշվապահական և այլ փաստաթղթերը գտնվում են կազմակերպության  
մոտ և վերջինս պատասխանատվություն է կրում ֆինանսական հաշվետվությամբ ներկայացված  
տվյալների իսկության համար, իսկ բովանդակայինը՝ ամբողջական տեղեկատվություն  
միջոցառումների իրականացման և ընթացքի մասին, այդ թվում արդյունքների գնահատումը,  
մասնակիցների քանակը, կցելով համապատասխան նյութեր (լուսանկարներ, ազդագրեր,  
հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային  
կրիչներով,

2.4.9. պետական մարմնի կողմից առանձին միջոցառումների իրականացման մասին  
հաշվետվությունները չընդունվելու դեպքում անվճար՝ պետական մարմնի կողմից սահմանված  
ողջամիտ ժամկետում վերացնել արձանագրված անհամապատասխանությունները,

2.4.10. հրապարակել պետական մարմնի անունը, իսկ համաֆինանսավորման դեպքում  
տրամադրել ամբողջական տեղեկատվություն՝ ծրագրին աջակցող կազմակերպության,  
ֆինանսավորման չափի և վերջինիս հետ ձեռք բերված այլ պայմանավորվածությունների մասին,

4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5,0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. թատրոնին ցուցաբերել մեթոդական և կազմակերպական օգնություն իր կանոնադրությամբ սահմանված կարգով, ձևով ու չափերով,

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան սույն պայմանագրի 4.1-ին կետով հաշվետվությունների համար սահմանված ժամկետից հետո 20 օրվա ընթացքում:

### **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ**

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանը հատկացնում է 3219,6 հազար (երեք միլիոն երկու հարյուր տասնինը հազար վեց հարյուր) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի:

3.2. Սույն պայմանագրի 3.1-ին կետում սահմանված գումարի 80 %-ը կազմակերպությանը հատկացվում է սույն պայմանագրի կնքումից հետո, իսկ 20 %-ը՝ սույն պայմանագրի 5.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

### **4. ՊԱՅՄԱՆԱԳՐԻ ԺԱՄԿԵՏԸ**

4.1. Սույն պայմանագրով նախատեսված միջոցառումների կատարման ժամկետը մինչև 2023 թվականի հոկտեմբերի 9-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացույցային օրը:

4.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

### **5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ**

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն (Հավելված N 4):

### **6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից

պահպանելու դեպքում վերջինս պետական մարմինն վճարում է տուգանք՝ ոչ պատշաճ կատարված

պարտավորության համար նախատեսված գումարի 0,5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0,5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմինն վճարում է տույժ՝ պայմանագրի գնի 0,05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար՝ սույն պայմանագրի չկատարված մասի գնի նկատմամբ:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմինը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհի ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

## 7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

### 8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

### 9. ԵԶՐԱՓՈՒԿ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ԱՏՈՐԱԳՐՈՒԹՅՈՒՆՆԵՐԸ

#### ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն  
Երևան, Վ. Սարգսյան 3  
Կառավարական տուն N 2

ՀՀ ՖՆ գործառնական վարչություն  
Հ/Հ 900011032878, ՀՎՀՀ 02698732

Գլխավոր քարտուղար՝

*Կ. Տ.*  
Հակոբյան  
(ստորագրություն)  
Կ. Տ.



#### ԿԱԶՄԱԿԵՐՊՈՒԹՅՈՒՆ՝

«Հայ դերասանների միություն» ՀԿ  
ք. Երևան, Իսահակյան 28  
«Արդշինբանկ» ՓԲԸ  
հաշիվ N 247013920340

հվհ 01537721

հեռ.՝ 091/42-18-22

Նախագահ՝ *Ա. Ղուկասյան*

(ստորագրություն)

Կ. Տ.



**Ծ Ր Ա Գ Ի Ր**

«Հայ Ֆեստ» 21-րդ կատարողական արվեստների միջազգային փառատոնի

1	Կազմակերպության անվանում	«Հայ Դերասանների Միություն» ՀԿ
2	Կազմակերպության գտնվելու վայր	Ք. Երևան, Ամիրյան 28
3	Ծրագրի անվանում	«Հայ Ֆեստ» 21-րդ կատարողական արվեստների միջազգային փառատոն
3.1	Բովանդակություն	<p>ՀՀ ԿԳՄՍ նախարարության աջակցությամբ կազմակերպվող «ՀԱՅ ՖԵՍՏ» 21-րդ կատարողական արվեստի միջազգային փառատոնն այս տարի կանցկացվի հոկտեմբերի 2-8-ը՝ “Festivalization” «Ֆեստիվալիզացում» խորագրով:</p> <p>Այս տարի «ՀԱՅ ՖԵՍՏ» փառատոնը կհյուրընկալի 8 երկրից ժամանած ավելի քան 400 մասնակիցների և հյուրերի՝ այդ թվում հեղինակավոր թատերախմբերի, արվեստագետների, արտմենեջերների, միջազգային փառատոնի նախագահների՝ Ֆրանսիայից, Իտալիայից, ԱՄՆ-ից, Իսպանիայից, Նորվեգիայից, Ռուսաստանից, Իրանից, Լիտվայից, Վրաստանից և այլ երկրներից:</p> <p>Փառատոնի նշանավոր ներկայացումներից են Կոնտեքստ. Դիանա Վիշնյովա ժամանակակից խորեոգրաֆիայի միջազգային փառատոնի՝ «Մատերիա» և «Եզակիություն», Ազգերի միության թատրոնի «Դեղձանիկ», Յո Ստրոմգրեն թատերական ընկերության «Ձեղնահարկ» և «Լե Շապո Ռուժ» ֆրանսիական թատրոնի «Օկուպացիա» ներկայացումը: Երևանյան թատրոններից փառատոնի հիմնական ծրագրում հանդես կգան Երևանի Կամերային, Հ. Թումանյանի անվան տիկնիկային, «Համազգային», «ԳԱԿ/Փոքր թատրոն», «Միհր» թատրոններ:</p> <p>Նշենք, որ բացօթյա ներկայացումները կանցկացվեն ՀՀ էկոնոմիկայի նախարարության Զբոսաշրջության կոմիտեի աջակցությամբ՝ «High Street» խորագրով: Սա բացառիկ հնարավորություն է քաղաքի բնակիչների և հյուրերի համար՝ վայելելու արվեստն ու թատրոնը անսովոր ձևաչափով:</p>

		<p>Այստեղ կա հնարավորություն խորասուզվելու դրամայի, կատակերգության, ողբերգության և ֆանտաստիկայի աշխարհ: Ծրագրի շրջանակում կանցկացվեն վարեպետության դասեր՝ իտալական Աութոպորտանտե լարախաղացային թատրոնի կողմից:</p> <p>Փառատոնի օրերին կանցկացվի կյոթ սեղան քննարկում՝ Ավինյոնի փառատոնի հետ համատեղ, որի ընթացքում կքննարկվեն գործակցության հնարավոր եզրերը՝ փառատոնի պատվավոր հյուրերի՝ պրոդյուսեր Նատալի Կոնիո Տովինի (Ֆրանսիա), Ավինյոնի ՕՖՖ փառատոնի տնօրեն Արուդ Դեյվիդի, Ավինյոնի քաղաքապետարանի միջազգային բաժնի ղեկավար Ժակ Ժենինի, «Ավինյոնը՝ Եվրոպայի մշակութային մայրաքաղաք - 2025» թատերական ծրագրի ղեկավար Ժակ Մոնտինյակի մասնակցությամբ: Փառատոնի բացումը կկայանա ս/թ հոկտեմբերի 4-ին՝ Կ. Ստանիսլավսկու անվան ռուսական դրամատիկական թատրոնի բեմում: Կոնտեքստ. Դիանա Վիշնյովա Ժամանակակից խորեոգրաֆիայի միջազգային փառատոնի կողմից կներկայացվի «Մատերիա» ներկայացումը:</p> <p>«ՀԱՅ ՖԵՍՏ» ամենամյա կատարողական արվեստների միջազգային փառատոն է, որը իրականացվում է Հայաստանում: Առաջին անգամ կայացել է 2003 թ-ին: Հայ հանդիսատեսը «ՀԱՅ ՖԵՍՏ»-ի շրջանակներում հնարավորություն է ստանում ծանոթանալ ՀԱՄԱՇԽԱՐՀԱՅԻՆ կատարողական արվեստի արժեքներին: 2019-2023 թթ. ԵՓԱ-ն (Եվրոպական Փառատոների Ասոցիացիա) թվով 715 եվրոպական փառատոններից «ՀԱՅ ՖԵՍՏ» Միջազգային Թատերական Փառատոնը ընտրել և ընդգրկել է 24 ԼԱՎԱԳՈՒՅՆԵՐԻ ցանկում: Փառատոնի նախագահն է Արթուր Ղուկասյանը:</p>
3. 2	Նպատակ	<p>Փառատոնը ներկայացնում է հայ հանդիսատեսին աշխարհի թատերական կարգավիճակը իր նորարար և ստեղծարար նմուշներով: Փառատոնի նպատակներից է հայ հանդիսատեսին հնարավորություն ընձեռնել մասնակցել միջոցառումներին, իրավիճակին համապատասխան բոլոր հնարավոր առցանց և ոչ միայն միջոցներով տեսնել արտասահմանյան բազմաթիվ ներկայացումներ,</p>



	<p>վարպետության դասերի միջոցով ծանոթանալ նոր թատերական և կատարողական արվեստի մեթոդիկաների, ժանրերի և ուղղությունների հետ: Փառատոնը միջոց է՝ նոր ստեղծագործական համագործակցություններ ստեղծելու Հայաստանի և այլ երկրների միջև:</p> <p>Փառատոնը այժմ ևս նպատակաուղղված է շարունակելու իր առաքելությունը և լինելու երկրում ամենամեծ թատերական փառատոնը, որտեղ ներկայացվում է աշխարհի թատերարվեստը:</p>
<p>3. Անցկացման ժամկետ</p> <p>3</p>	<p>Հոկտեմբերի 2-8</p>
<p>3. Անցկացման վայր</p> <p>4</p>	<p>Ուսանողական թատրոն ԵԹԿՊԻ</p> <p>Կ. Ստանիսլավսկու անվ. ռուսական դրամատիկական թատրոն</p> <p>Երևանի Հոփի. Թումանյանի անվան պետական տիկնիկային թատրոն</p> <p>Կամերային թատրոն</p>
<p>3. Ակնկալվող արդյունքներ</p> <p>5</p>	<ul style="list-style-type: none"> <li>• Փառատոնի ընթացքում կցուցադրվեն համաշխարհային լավագույն թատերական ներկայացումներ՝ Կոնտեքստ. Դիանա Վիշնյովա ժամանակակից խորեոգրաֆիայի միջազգային փառատոնի՝ «Մատերիա» և «Եզակիություն» ներկայացումները, Ազգերի միության թատրոնի «Դեղձանիկ» ներկայացումը/ Սաթի Սպիվակովայի գլխավոր դերակատարմամբ, Նորվեգիական Յո Ստրոմգրեն թատերական ընկերության «Լոֆթ» պարային ներկայացումը և «Լե Շապո Ռուփ» ֆրանսիական թատրոնի «Օկուպացիա» ներկայացումը, որը եղել է Ավինյոնի փառատոնի լավագույն ներկայացումներից:</li> <li>• Փառատոնը կնպաստի հայ թատրոնների ժամանակակից կատարողական արվեստին ավելի մոտ լինելուն</li> <li>• Կնպաստի հայ ռեժիսորների, դերասանների, սցենարիստների, թատերագետների հետաքրքրությանը, որակական աճին և մասնագիտական զարգացմանը</li> <li>• Կնպաստի թատերասեր հասարակության զարգացմանը, կրթմանը և մշակութային մակարդակի բարձրացմանը կձևավորի բարձր գեղարվեստական ճաշակ արտասահմանյան լավագույն և առաջադեմ ներկայացումների ցուցադրության միջոցով</li> </ul>

3.	Ոչ	Ֆինանսական	14 ներկայացման ցուցադրություն,
6	ցուցանիշներ		Շուրջ 4000 հանդիսատես:

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և սպորտի նախարարություն  
 Երևան, Վ. Սարգսյան 3  
 Կառավարական տուն N 2

ՀՀ ՖՆ գործառնական վարչություն  
 Հ/Հ 900011032878, հվհհ 02698732

Գլխավոր քարտուղար՝

**Հ. Հակոբյան**

(ստորագրություն)



**ԿԱՏԱՐՈՂ՝**

«Հայ դերասանների միություն» ՀԿ

ք. Երևան, Իսահակյան 28

«Արդշինբանկ» ՓԲԸ

հաշիվ N 247013920340

հվհհ 01537721

հեռ.՝ 091/ 42-18-22

Նախագահ՝

**Ա. Ղուկասյան**

(ստորագրություն)



**ՆԱԽԱՀԱՇԻՎ**

«Հայ Ֆեստ» 21-րդ կատարողական արվեստների միջազգային փառատոնի իրականացման ծախսերի

Հ/Հ	Ծախսատեսակի անվանումը	Չ/Մ	Քանակ	Մեկ միավորի արժեքը (հազար դրամ)	Գումարը (հազար դրամ)
1	<b>Կրթամշակութային կամ թատերահամերգային միջոցառում իրականացնելու համար ծառայությունների մատուցման սակագին՝</b>				<b>2,683.0</b>
	Կ. Ստանիսլավսկու անվան պետական ռուսական դրամատիկական թատրոն	օր	5	291.0	1,455.0
	Հովի. Թումանյանի անվան պետական տիկնիկային թատրոն	օր	3	220.0	660.0
	ԵԹԿՊԻ-ի ուսումնական թատրոն	օր	3	120.0	360.0
	Պետական կամերային թատրոն	օր	2	104.0	208.0
	<b>ԸՆԴԱՄԵՆԸ</b>				<b>2,683.0</b>
	<b>ԱԱՀ*</b>				<b>536.6</b>
	<b>ԸՆԴԱՄԵՆԸ, ներառյալ ԱԱՀ</b>				<b>3,219.6</b>

\* ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման Կատարողի կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2  
ՀՀ ՖՆ գործառնական վարչություն  
Հ/Հ 900011032878, հվհհ 02698732  
Պատվիրատուի ստորագրությունը  
Գլխավոր քարտուղար՝

*Հ. Հակոբյան*  
Կ. Տ.



**ԿԱՏԱՐՈՂ՝**

«Հայ դերասանների միություն» ՀԿ  
ք. Երևան, Իսահակյան 28  
«Արդշինբանկ» ՓԲԸ  
հաշիվ N 247013920340  
հվհհ 01537721  
հեռ.՝ 091/42-18-22

Նախագահ

Ա. Դովանյան



ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ

Կատարող կազմակերպությունը \_\_\_\_\_

Ծրագրի անվանումը \_\_\_\_\_

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

« \_\_\_\_ » \_\_\_\_\_ 2023 թ.

Կատարող կազմակերպության ղեկավար

ՓԱՍՏԱԹՂԹԵՐՆ ԸՆԴՈՒՆԵՑ՝

\_\_\_\_\_/\_\_\_\_\_/ (անուն-ազգանուն) (ստորագրություն)

ՀՀ ԿԳՄՍ նախարարության պատասխանատու՝

Կատարող կազմակերպության գլխավոր հաշվապահ (անուն-ազգանուն) (ստորագրություն)

\_\_\_\_\_/\_\_\_\_\_/ (անուն-ազգանուն) (ստորագրություն)

Հավելված N 4

« 22 » « 09 » 2023 թ.

N ՄՇԴ- 354 -2023 պայմանագրի

ԿԱԶՄԱԿԵՐՊՈՒԹՅՈՒՆ՝

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և  
սպորտի նախարարություն  
Երևան, Կառավարական տուն 2  
ՀՎՀՀ՝ 02698732

Հասցե՝

**Ա Ր Ձ Ա Ն Ա Գ Ր ՈՒԹՅՈՒՆ  
ՀԱՆՁՄԱՆ - ԸՆԴՈՒՆՄԱՆ**

ք. Երևան

« » « » 2023 թ.

Պայմանագրի համարն ու կնքման ամսաթիվը N

Պետական մարմին՝ ի դեմս ՀՀ կրթության, գիտության, մշակույթի և սպորտի  
նախարարության գլխավոր քարտուղար \_\_\_\_\_,

(անուն ազգանուն)

և Կազմակերպությունը, ի դեմս \_\_\_\_\_ -ի տնօրեն

կազմակերպության անվանում

\_\_\_\_\_, ի, հիմք ընդունելով պայմանագրի կատարման

վերաբերյալ

(անուն ազգանուն)

բովանդակային վարչության « » « » 2023 թ.-ի եզրակացությունը, ինչպես նաև  
նախարարության հաշվապահական հաշվառման վարչության « » « » 2023 թ.-ի թիվ  
Ե - ՄՇԴ- եզրակացությունը, կազմեցին սույն արձանագրությունը հետևյալի մասին.

Կազմակերպությունը պայմանագրի շրջանակներում իրականացրել է  
\_\_\_\_\_ միջոցառումը, իսկ Պետական մարմինն վճարել է դրա դիմաց՝

պայամանագրով սահմանված կարգով և չափով:

**ՊԵՏԱԿԱՆ ՄԱՐՄԻՆ՝**

**ԿԱԶՄԱԿԵՐՊՈՒԹՅՈՒՆ՝**

ՀՀ կրթության, գիտության, մշակույթի և  
սպորտի նախարարություն

Գլխավոր քարտուղար՝

Տնօրեն՝

Գլխավոր քարտուղարի տեղակալ՝

\_\_\_\_\_

\_\_\_\_\_